

直隸叙永廳志卷四

疆域志

直隸叙永廳

在成都布政司南九百九十里東西距四百四十里南北距三百九十里東至二卽灘興隆灘交貴州仁懷縣界三百一十里南至分水嶺交雲南鎮雄州界一百九十里西至白坳林交雲南鎮雄州界一百二十里又至土地坎交直隸瀘州九姓長官司界四十五里又至紅彙口交直隸瀘州納谿

直隸叙永廳志

卷四

疆域

一

縣界一百三十里北至一碗水交貴州仁懷廳界二百里東南至貴州畢節縣雲南鎮雄州界二百里西南至直隸瀘州納谿縣雲南鎮雄州界一百九十里東北至貴州仁懷縣界三百里西北至直隸瀘州合江縣貴州直隸仁懷廳界二百里

永寧縣

東西距三百四十里南北距二百里東至赤水河交貴州畢節縣界二百六十里南至天生橋交叙永廳界四十里西至牛滾場交直隸瀘州江安縣

界八十里北至打鼓場交直隸瀘州界一百六十里東南至石廂子交叙永廳界一百六十里西南至瀘衛交直隸瀘州九姓長官司又至抵蓬交叙州府興文縣長寧縣三界二百里東北至二里場交直隸瀘州合江縣界二百四十里西北至大舟驛交直隸瀘州納谿縣界一百六十里

按雍正八年川貴兩省大憲委勘以赤水河大江上自斑鳩井河源下至合江縣合大江河南歸黔河北歸川凡廳屬河南人戶附近貴州畢

節縣者撥歸畢節縣附近貴州黔西州者撥歸黔西州河北黔屬之永寧縣改歸川省叙永廳廳屬東與貴州仁懷新縣接壤地名黎明鎮西與瀘州屬之江安縣接壤地名半邊箐又連接叙州府屬之長寧縣地名茶山溝卽今之鉛廠南與雲南之鎮雄州接壤地名隴楨北與瀘州屬之納谿縣接壤地名石子鋪其仁懷縣所屬河北地方攙入廳屬境內自官壩至卡把山等處尙未移撥歸川河南河北兩岸亦均係黔民

關津見廳舊志

直隸叙永廳志

卷四

疆域

三